

SIUNNERSUUT

KOMMUNIMUT PILERSAARUMMUT TAPILIUSSAQ O10-1 IMMikkoortoQ
AKUERSISSUTEQARFIK NUNATARSUAQ, NUUK

AGGUSTI 2022



KOMMUNIMUT PILERSAARUMMUT TAPILIUSSAQ SUNAAVA?

Kommunip pilersaarutaa kipiuitsumik ingerlatsineruvoq aamma taamaattumik Kommunalbestyrelse inatsisit naapertorlugit (Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq) kommunip pilersaarutaani pisariaqartut pillugit nutarterinissanik nalunaarsuissalluni pisussaaffeqarpoq. Nutarterineq taanna ingerlanneqartarpoq kommunip pilersaarutaanut allannguutininik pineqartunik imaluunniit pilersaarummut ilassutissanik nutartikkanik ilanngussiuarnikkut.

Kommunalbestyrelse kommunimut pilersaarummut tapiliussamik nunaminertamik atuinnissamut sanaartukkanullu tunngasunik aalajangersagartalimmik taamaalluni sukkulluunniit suliaqarsinnaatitaavoq. Taamaattoq taakku saniatigut Kommunalbestyrelse pisussaavoq kommunimut pilersaarummut tapiliussamik immikkut aalajangersakkanik imalimmik suliaqassalluni:

- Nuna tamakkerlugu pilersaarusiornepur kommunillu pilersaarusiornepur piviunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassinnginnermi.
- Sanaartukkanik anginerusunik pingaaruteqarnerusunilluunniit isaterilinninnermi.

Kommunimut pilersaarummut tapiliussaq marlunnik immikkoortortaqarpoq nassuiaat aamma aalajangersakkanut tunngasut.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornepur allanut sanilliullugu qanoq inissisimanersoq allaaserineqassapput.
- **AALAJANGERSAKKANUT TUNNGASUT** imaraat pilersaarutip piviunngortinnissaanut aalajangersakkat malinneqartussat allaaserinerat. Aalajangersakkat immikkoortinneqarput imaasillugit aalajangersakkat pingaarnerit aamma aalajangersakkat sukumiisunik nassuiaatitallit. Aalajangersakkat tamarmik inatsisitigut pituttugaapput, taamaattoorli pissutsini immikkut ittuni, aalajangersakkanik sukumiisunit immikkut akuersissummik tunniussisoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuerineqannginnerani kommunalbestyrelsip tapiliussassatut siunnersuut tamanut nalunaarutigissavaa, taamaallutik innuttaasut soqutiginnittullu allat pilersaarutip imarisaanik paasiniaasinnaatillugit immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani Kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una Kommunimut pilersaarummut tapiliussaq O10-1 tamanut tusarniaassutigalugu saqqummiunneqarpoq, piffissami **31 agusti – 26 oktobari 2022-p tungaanut**. Oqaaseqaatit kingusinnerpaamik ulloq 26 oktobari 2022 **nassiunneqassapput**, uunga:

plan@sermersooq.gl

PILERSAARUT SUMI ATUARNEQARSINNAAVA?


Pilersaarut Nunatta Atuagaateqarfiani imaluunniit kommunip nittartagaani www.sermersooq.gl- imi atuarsinnaavat, kommunip innuttaasunik kiffartuussivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900, Nuuk oqarasuaat 36 74 00-imut saaffiginnillutit pissarsiarisinnaavat.

IMARISAI


1. NASSUIAAT	4
1.1 PILERSAARUSIORFIK	4
1.2 SIUNERTAT TUNNGAVIUSULLU PERIUTSIT	5
1.3 PISSUTSIT ATUUTTUT	5
1.4 PILERSAARUMMI PINGAARNERIT	9
1.5 PILERSAARUSIAMUT ALLAMUT TUNNGASUT	11
1.6 PILERSAARUMMUT TAPILIUSSAP INATSISITIGUT ATUUFFII	13
2. AALAJANGERSAKKAT	14
3. AKUERSINERMUT UPPERNARSAAT	20
4. ILANNGUSSAQ 1-2	21 - 22

1. NASSUIAAT

1. PILERSAARUSIORFIK



Takussutissiaq 1 Immikkoortup ilai pioreersut O2



Takussutissiaq 2. Immikkoortup ilaa O10

Kommunimut pilersaarummut tapiliussami matumani nunaannarmi immikkoortup ilaa O10 matumani pineqarpoq, tamannalu tammajuitsussarsiniarluni tuttunniarnermut aamma uumasunik allanik piniarnermut akuersissuteqarfigineqarsinnaavoq, Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaat nr. 19, 3. december 2012-meersoq atuuttoq naapertorlugu (kingorna Akuersissuteqarnermi inatsit). Sumiiffiup nunataata annertussusaa ataatsimut 815 km²-it missaanniippoq Nunatarsuarmiilluni nalinginnaasumik kangerluup qinnguaniittutut taaneqartartumi, Kangersuneq imaluunniit Kangerluk Sermilik. Nunatarsuaq iigartartunik arlalinnik ungaluneqarsimavoq, Narsap Sermia, Akullersuup Sermia aamma Kangiata Nunaata Sermia.

Sumiiffik immikkoortup ilaani O2-imi sanaartorfiunngitsumi inissisimavoq, kommunimut pilersaarummi nunaannarnut immikkoortortaani pinngortitaq sanaartorfiusimanngitsaq sanaartorfiussaanngitsorlu, suliarineqarsinnaasunit minnerpaamik 5 kilometerinik sanaartorfiussanngitsutut immikkoortinneqarpoq.

Kommuneqarfik Sermersooq Inuussutissarsiornermut Nukissiuuteqarnermullu Naalakkersuisoqarfiimmit Nunatarsuarmi tammajuitsussarsiniarluni tuttunniartarnissamut

akuersissummik qinnuteqaammik tigusaqarsimavoq. Sumiiffik qinnuteqaateqarfigineqartoq takussutissiaq 2-mi qulaaniittumi takuneqarsinnaavoq.

1.2 SIUNERTAT TUNNGAVIUSUT PERIUTSILLU

Kommunimut pilersaarummut tapiliussami tunngaviit tassaapput:

- Immikkoortup ilaa O10-mik nutaamik immikkoortuliornissaq
- O10-p sumiiffittut tammajuitsussarsiorluni tuttunniartitsinissamut uumasunillu allanik piniarnissamut akuersissutigineqartussatut atugassianngorlugu aalajangersarneqarnissaa.
- Nunaannaap naleqquttumik atorneqarnissaanik qulakkeerinissaq, aamma tammajuitsussarsiniarlutik piniartartunut pitsaasunik atugassaqaartitsinissaq
- Sumiiffimmi pineqartumi akuersissummut attuumassuteqartumik tammaarsimaarfiliornissamik, tuperfiliornissamik assigisaanilluunniit periarfissaqaartitsinissap nassuiaasiorneranik qulakkeerinissaq.
- Sumiiffiup inuilaarsuartut itsinnissaata qulakkeernissaa.

Kommuneqarfik Sermersuumi namminersorluni inuussutissarsiuteqartunut takornialerinermilu ineriartortitsinermi, tasanilu Nuup Kangerluata (Godthåbfjorden) sammisassaqaartitsinernut assigiinngitsunut misigisassanullu periarfissaqarluartup ukiorpassuarni qitiutinneqarsimasup tapersersornissaanik kissaateqarneq.

Naalakkersuisut Kalaallit Nunaanni Takornialerinermik ineriartortitsinissaq pillugu immikkoortumut pilersaarutaa naapertorlugu – Susoqassava? ilanngullugu allassimavoq: ”Illoqarfiit pingaarnersaata Nuup eqqaani kangerluit annertuumik susassaqaarfiupput, taakkulu illoqarfimmi innuttaasunit tikeraanillu atorluarneqartarput. Kangerluit aasami umiatsiartunit angallaffiulluarterput, inuit namminneq angallatiminnik angallattut, aammali takornariartunik angallassissutinit. Sunngiffimmi pinialuttartut imaaginnavittarput, aalisariallu tamani tamaaniittarlutik. Sumiiffimmi pineqartuni ingerlatsinissamut akuersissutit sakkutut atorneqarsinnaapput, susassareqatigiinnissamut isumannaariffiusumik, soqutigisat assigiinngitsut naapiffianni aqutsisinnaajumalluni, inuussutissarsiutigalugu piniartut, sunngiffimmi pinialuttartut aamma takornariat eqqarsaatigalugit.

Kommunimut pilersaarummut tapiliussakkut ugguuna kommunalbestyrelsip kissaatigaa Nunatarsuarmi aningaasarsiutigalugu tammajuitsussarsiniarluni piniartitsinissamut akuersissutinik arlalinnik periarfissiisoqarsinnaasoq, taannalu nunaqarfiup Kapisillit kangianiippoq Kangerluk Sermilimmi/Kangersunermi avinneqarluni.

1.3 PISSUTSIT PIOREERSUT

Kangersuup nunataata ilisarnaatigaa nunataa maniilaasuugami nalinginnaasunik tulaffissaqarpiarani/kisarfissaqarpiarani. Atorneqarnerpaat tassaapput Umiiviit, Illorsuit aamma

Qasertup Nuua. Sineriammi tassani qatsissut 1000 m missaat tikillugit qatsitsigaat Nunatarsuarlu arlalinnik nunap assingani titartakkanik taseqartiterluni.

Kangiata Nunaata Sermiata kangianut ilaa marraasorujussuuvog kassoqarneralu apeqqutaalluni kangerlummit ikaarniarneq ajornakusoorsinnaasarluni.




Takussutissiaq 3: Mannissuaq



Takussutissiaq 4: Umiivinni kisarfissaq

QANGANITSAT ERIAGISASSAT



Takussutissiaq 5: Qanganitsat sumiiffii www.nunniffiit.natmus.gl

Nunatarsuarmi qangarnitsat eriagisassat pillugit nunap assinganut titartarneqarsimapput, taakkulu qulaani nunap assingani Nunniffinniit takusassiarineqarsimallutik. Taakku Thule-kulturimiit, qallunaatsiaanit kiisalu inuit kulturiannit annerusumik nassuiarneqarsimanngitsunit pisuupput. Sumiiffiilli nunap assitallit amerlanerit sukumiinerusumik allaaserineqarsimanngillat.

PINIARNEQ

Sumiiffik tamanna tamaani najugalinnit sunngiffimmi kiisalu inuussutissarsiutigalugu piniartunit nuannarineqaqaaq, tamanilu tuttut, ukallit, aqissit teriannissallu amerlapput. Tamaani umimmaat takuneqarsimapput, tamanili qanoq umimmaqartiginera uppersarneqanngilaq. Tamaani umimmanniartoqaqqusaanngilaq.



Takussutissiaq 6: Kuupiluup eqqaani taseq qutsissumiippoq, sermersuaq tunuliaqutaralugu.



Takussutissiaq 7: Sarqarssuarmi kisarfissaq

1.4 PILERSAARUMMI PINGAARNERIT



Takussutissiaq 8. tutut

Kommunimut pilersaarummut tapiliussakkut sumiiffimmut immikkoortup ilaanut O10-mi nutaamut inuilaarsuaqarfittut sanaartorfiunngitsutut killiliussanik aalajangersaasoqarpoq. Sumiiffik akuersissuteqarfinnut arlalinnaat avinneqarsinnaavoq, ataatsimut akuersissutissatut negeroortitsissutigineqarsinnaalluni imaluunniit tammajuitsussarsiniarluni piniartitsinissamut akuersissuteqarfiliarneqarsinnaalluni. Nutaamik periarfissiineri immikkoortoq O2-mut pioreersumut sanaartorfiunngitsutut malittarisassat ilanngullugit allanngortinneqassapput.

Sumiiffimmi takornialerineq atuinerlu sapinngisamik nunataa allanngutsaaliorlugu ingerlanneqassapput allatigullu annertunerusumik nunataanut pinngortitamullu sunniisussanik suliaqartoqassappat tamanna pissusitoqaatut qimanneqartassaaq. Tamatuma eqqiluitsuutinnissaa aserfallatsaalinissaalu akuersissummik piginnittup akisussaaffigaa, tassanilu ilaatinneqarput eqqakkat anartarfiillu eqqarnissaat, tamatumunnga kommunimut pilersaarummi aalajangersakkani maleqquneqartut maliillugit.

AKUERSISSUTEQARNEQ

Takornialerinerimut akuersissut, kommunimut pilersaarummut tapiliussami matumani periarfissaliunneqartoq, ukiunut tallimanut akuersissutigineqarpoq, suliaassanut pilersaarutit naammassineqarnissaat naammassineqassappata aningaasatigullu sinneqartooruteqarfiussappat, piffissaq tamanna allaat ukiut 20-it angullugit sivilisuseqarsinnaavoq. Akuersissut ukiut tallimakkaarlugit nutarterneqartassaaq, akuersissulli ataatsimut sivilisunarpaamik ukiut 30-t atuutsinneqarsinnaavoq. Piffissaq akuersissuteqarfiusoq pillugu Sumiiffinni nunami aalajangersimasuni takorniarititsinerimut akuersissuteqartarnissaq pillugu Inatsisartut inatsisaat nr. 19, 3. december 2012-imeersumi §11-mi sukumiinerusumik allaaserineqarpoq.

Takornialerinerimik ingerlatsinissamik akuersissut isumaqarpoq, akuersissummik piginnittoq akuersissuteqarfiusumi killilikkami akiliisitsilluni piniartitsinissamut kisermaassilluni neqerooruteqarsinnaatitaasoq. Tassa imaappoq, tammajuitsussarsisitsiniarluni tuttunnianissamut allat akuersissuteqarfimmi tassanerpiaq akiliisitsillutik neqerooruteqarsinnaatitaanngitsut.

Aammattaaq taamaalilluni sunngiffimmi pinialuttartut inuussutissarsiutigalugulu piniartut ullumikkusut tamatuminnga atuiinnarsinnaapput. Soorluttaaq aamma tamanna takornariarnermut misigisassarsiorfittut soorlu pisuttuarnernut imaluunniit qissattarluni aalisarnernut kiisalu inuinnarnit tamanit atornegarsinnaassalluni.

ATORNEQARNERA



Takussutissiaq 9. tuttut


Sumiiffinni taakkunani akuersissuteqarfiusuni tuperiugallarfissaliortoqarsinnaavoq, takornariaqarneq eqqarsaatigalugu siunertamut naapertuuttutut nalilerneqarpat. Sumiiffimmili inuilaarsuartut isikkoqarnera allanngortinneqassanngilaq.

NUNARSUARMİ ANGUNIĀKKAT:

Kommunalbestyrelsen 2019 aallartilaartoq akuersissutigivaa, FN-ip piujuartitsinissaq pillugu nunarsuarmut anguniagaasa 8-t aallunneqarnissaat. Kommunimut pilersaarummut tapiliussami makkua pineqarput:



ANGUNIAGAQ	QANOQ
------------	-------

	ANGUNIAGAQ 8: SULIFFIIT NAAPERTUUTTUT ANINGAASAQARNIKKULLU SIUARIARTORNEQ	Tamaani najugaqartunit takornariaqarnikkut neqeroorutaasinnaasunik tunisassianik pilersitsinikkut pitsaasunik isumaqarluartunillu suliffissanik tapertaalluarsinnaapput.
	ANGUNIAGAQ 15: NUNAMI UUMASSUSILLIT	Inuilaq tamanna attanneqaannassaaq uumasut assigiinngitsut qularnaarniarlugit.

1.5 PISSUTSIT PILERSAARUSIANUT ALLANUT TUNNGASUT

1.5.1 NUNA TAMAKKERLUGU PILERSAARUSIORNEQ

Pilersaarummut tapiliussaq nuna tamakkerlugu pilersarusiortarnermut naapertuuppoq.

1.5.2 KOMMUNIMUT PILERSAARUT

Kommunimut pilersaarummut tapiliussaq Sermersuup Kommunianut pilersaarummut ilaatinneqarpoq, pingaarnertut aqqqissugaanerani immikkoortup ilaani nutaamut sumiiffiup inuialaarsuurtut sanaartorfiunnginnissaa kommunimut pilersaarummut tapiliussamut matumani atuulluni.

Immikkoortup ilaani O10 nutaap atuuffissaa tassanilu killiliussaasut kommunimi pilersaarummut naapertuutinngilaq. Kommunimut pilersaarummut tapiliussamut matumani pineqartumut immikkoortup ilaanut O2-mut killiussamut atuuttut aamma allanngortinneqassapput tamanna takussutissami 1-imi qupp. 4-imi takutinneqarpoq.

Immikkoortup ilaanut O10 kommunimut pilersaarummut tapiliussami matumani pingaarnertut aalajangersakkanik nutaanik suliaqartoqarpoq, Pilersarusiorneq aamma nunaminertat atorneqartarnerat pillugit Inatsisartut inatsisaat nr. 17 17 november 2010-meersoq naapertorlugu.

1.5.3 AKUERSISSUTEQARNERMI INATSIT

Kommunimut pilersaarummut tapiliussaq Nunami sumiiffinni immikkut toqqakkani takornariartitsinermik inuussutissarsiornissamut akuersissuteqartarnek pillugu inatsisartut inatsisaannut atuuttumut tunngavoq (Inatsisartut inatsisaat nr 19, 3 december 2012-meersoq)

1.5.4 PINNGORTITAMIK ILLERSUINERMUT INATSIT

Pinngortitamik illersuineq pillugu Inatsisartut inatsisaat nr. 29, 18. december 2003-meersoq immikkuualuttumi atuuppoq. Kalaallit Nunaata pinngortitaata illersorneqarnissaanut peqataanissamut inatsit siunertaqarpoq.

Illersuineq pissaaq uumassusileqarfiit piujuaannarnissaat tunngavigalugu, mianersornissamik tunngavissat naapertorlugit aamma inuit inuunerminni atugarisaat aammalu uumasut naasullu piujuaannarnissaat ataqqillugit.

Inatsimmi pingaartumik anguniagaapput:

- 1) uumassusillit assigiinngitsut amerlassusiisa assigiinngiiaarnerisalu, tassunga ilaallutik uumassusillit kingornussisarnermut pisataat, uumasut aalajangersimasut, uumasut najugannaavi uumasoaqarfiillu, illersorneqarnissaat.
- 2) uumassusileqarfinnik piujuartitsineq tunngavigalugu pisuussutiniq uumassusilinnik iluaquteqarnissaq,
- 3) nunami naleqartitat pigiinnarnissaat paaqqutarinissaallu,
- 4) innuttaasut pinngortitami pisuussuteqaqisumi angalaarlutillu uninngaarsinnaanerisa periarfissinnissaat qularnaarniarlugu,
- 5) nunarsuarmioqatigiit pinngortitaaq pillugu isumaqatigiissutaasa pisariaqarnera naapertorlugu Kalaallit Nunaanni inatsisiliornermi atuuttussanngortinneqartarnissaasa qulakkeerneqarnissaat.

1.5.5 QANGANITSAT ERIAGISASSAT IMAALIALLAANNARLUGIT PEERNEQARSINNAANNGITSUT

Kommuneqarfik Sermersuup tamaani qangaanit eriaqisassaqartoq nalunngilaa, Nunatta Katersugaasivianit paasissutissanik katersivimmi Nunniffiit pillugit paasissutissat pissarsiarineqarsinnaasut takukkit: <https://da.nka.gl/digitale-samlinger/nunniffiit/>

Sumiiffimmi nunami suliaqarneq Eqqissisimatitsisarneq aamma allatigut kulturikkut eriaqisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

Nunami qanganitsanik nassaartoqassagualuarpat piaarnerpaamik Nunatta Katersugaasivianut Toqqortaasivianullu saaffiginnissutigineqassapput.

1.5.6 AVATANGIISEQ

Assaanermi paasinarsippat immikkoortumi nuna mingutsitaasoq Kommuneqarfik Sermersooq erngertumik ilisimatinneqassaaq.

Eqqakkanik avatangiisimut navianaatilinnik suujunnaarsitsinerit, assersuutigalugu issoq uuliamik mingutsinneqarsimasooq, kommunimi eqqagassalerineq pillugu malittarisassat aamma suliaqarfiik tamanna pillugu inatsisit naapertorlugit pissapput.

Akuersissummik noqqaassuteqartoqarnerit tamaasa najukkami nunarsuarlu tamakkerlugu soqutigisat naapertorlugit pissutsit nalilersoqqissaarneqartassapput, taamaalilluni uumasut naasullu sapinngisamik innarlitsaalineqarniassammata.

Akuersissutip atorunnaarneranit torersaanissaq piumasaqaataassaaq.

1.5.7 PILERSAARUTINIK ATORUNNAARSITSINEQ

Immikkoortup ilaa pillugu illoqarfiup ilaanut imaluunniit immikkoortup ilaata pilersaarutissartaanik suliaqartoqarsimanngilaq.

Kommunimut pilersaarummut tapiliussamik O10-mik uuminnga akuersinikkut sumiiffimmut pingaarnertut O2-mut aalajangersakkat allaaserineqartut atorunnaassapput.

1.5.8 TAMANUT SAQQUMMIUSSINEQ

Una Kommunimut pilersaarummut tapiliussaq O10-1 tamanut tusarniaassutigalugu saqqummiunneqarpoq, piffissami 31 aggusti – 26 oktobari 2022-p tungaanut.

1.6 PILERSAARUMMUT TAPILIUSSAP INATSISITIGUT SUNNIUTAI**1.6.1 INATSISITIGUT SUNNIUTAAGALLARTUT**

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutit imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Kommunalbestyrelsip piffissaliussap naareernerani piffissaagallartillugu akerliliissutinik tigusaqartoqarsimanngippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarutissatut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneranit sivilunerpaamik ukiumi ataatsimi. (Pilersaarusiortarnermut inatsimmi § 31 imm 3).

1.6.2 INAARUTAASUMIK INATSISITIGUT SUNNIUTIT

Kommunimut pilersaarutit piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni. (*Pilersaarusiornermut inatsimmi § 29*).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpoq. Nikingasoornerit pingaarnerit aamma aalajangersakkanit pingaarnernit nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsimmi § 50).

Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.


Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillu pilersaarummi ilaatinneqartut, pilersinneqassasut.

2. AALAJANGERSAKKAT

Matumuuna Pilersaarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarneq pillugu inatsit) kingusinnerusuk allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat § 20 aalajangersakkanut pingaarnernut aamma § 21 aalajangersakkanut sukumiisunut avitaapput.

Aalajangersakkat tamarmik inatsisitigut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnert pilersaarummi tunngaviummik tunngaviupput, taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

§ 20. AALAJANGERSAKKAT PINGAARNERIT PIOREERSUT	§ 20. AALAJANGERSAKKAT PINGAARNERIT NUTAAT
IMMIKKOORTUP ILAATA KILLILERSORNEQARNERA	
	 81.342 ha immikkoortup ilaani akuersissuteqarfiusunut arlalinnut agguataarisoqarsinnaavoq.
1. SIUNERTAQ	
Atorneqarnera nalinginnaasoq: O - nuna sanaartorfieqqusaanngitsoq	Atorneqarnera nalinginnaasoq: O - nuna sanaartorfieqqusaanngitsoq

Aalajangersimasumik atuineq: O2 - Inuilaarsuaq	Aalajangersimasumik atuineq: O10 – inuilaq, tammajuitsussarsiniarluni tutunniarnissamut akuersissuteqarfik
2. IMMIKKOORTUP ATORNEQARNERA	
Immikkoortut illuliorfigeqqusaanngitsut, kisialli immikkut pisoqartillugu piniarianut annanniarfittullu illuaraliorfigineqarsinnaasut. Pilersaarutitut siunnersuummi matumani aamma inuilaarsuarmi tammaarsimaffissanik takornarianut naatsorsuussanik inissiisoqarsinnaavoq.	Imm. 1: Immikkoortup ilaa takornarialerinermik ingerlatsinissamik akuersissutilinnut atugassiaassaaq Takornarialerinermik ingerlatsinissamik akuersissuteqarluni sammisanut allanut unioqqutitsinngitsunut immikkoortup ilaani ingerlatsinissamut aporfissaqanngilaq. Tamanna assersuutigalugu tassaasinnaavoq, kisianni ima killilersugaanani: - Takornarianik misigisassarsiortitsinerni. - Pisuttuarnerni takornarianillu pisuttuartsinerni. - Inuussutissarsiutigalugu saniatigooralugulu piniartut aalisartullu
3. SANAARTUKKAT	
Illuaqqat tammaarsimaafiillu inuussutissarsiortut illuaqqanit pioreersunit, toqqavinnit nunaminertaniillu illuaraliorfissanit 60 meterisut ungasitsigisumi inissinneqassapput. Tamanna naatsorsorneqassaaq illuaqqap nuuata avasinnerpaavaniit. Sanaartukkat tammaarsimaafiillu suulluunniit kuunnit tatsiniilluunniit minnerpaamik 100 meterinit ungasissuseqassapput. Kuuit tassaapput erngup sakkortuumik aqqusaarfigisai. Sanaartukkat tammaarsimaafiillu suulluunniit qanganitsanit eriagisanit minnerpaamik 60 meterinik ungasissuseqassapput. Qanganitsat eriagisat tassaasinnaapput qallunaatsiaat illukui, illukoqarfiit assigisaallu. Illuliaq imaluunniit tammaarsimaffiliaq sunaluunniit immikkoortortami inuussutissarsiuteqarfittut atorneqartussaq min. 100 meterinik ungasissusilimmiitsinneqassaaq, taakkununga ilaallutik illut, nunalerineq,	Immikkoortoq sanaartorfigineqassanngilaq aamma nuna allanngortiterneqassanngilaq, tamatumunnga qatsissumi toqqissuliorneq ilanngullugu.

savaateqarneq il. il. Aamma immikkoortortamik inuussutissarsiteqarfittut, tassunga ilanngullugu illunik, nunalerinermut, savaateqarnermut il. il. atuinermi illunut tammaarsimaffimmulluunniit allamut ungasissuseq 100 m-iussaaq.	
4. INISSAQASSUSEQ	
Uuttuutini tulluuttuni nunaminertamik qinnuteqaatinik suliaqarnermi illuaraliornissamut akuersissuteqarnissamut aalajangiisussat tassaapput: illuaraq nunami immikkoortumi ungasissusissanut aalajangersakkanik tamanik eqquutsitsilluni ungasitsigaluni sananeqassaaq sumiiffimmi ilusaanik annerusumik allanngortitsinani, sumiiffimmi illuaqqanut allanut ataasiakkaanut qanippallaarani "illoqarfeeqqatut" pilersitsisumik sanaartorfiusumiinnani. Illuaraliornissamik qinnuteqaateqartoqarnerani periarfissaqartoqarnerisq pillugu nalilersueqqissaartoqassaaq.	Sumiiffinni arlalinnik tupilerfiliornissaaq ajornartinneqanngilaq, innersuussutigalugu maleruaqqusat atuuttut <i>Nunaannarmut pilersaarutip 2-2 - Nuup eqqaani nunaannaq</i> naapertorlugit tammaarfiliorneq
5. ERIAGISARIAQARTUT	
Immikkoortuni arlalinni qanganitsat eriagisassat arlaqarsinnaapput. Qanganitsat eriagisassat illuliorfigineqassanngillat, tak. inatsit atuuttoq..	Immikkoortuni arlalinni qanganitsat eriagisassat arlaqarsinnaapput. Qanganitsat eriagisassat illuliorfigineqassanngillat, tak. inatsit atuuttoq..
6. IMMIKKOORTUT PIUMASAQAATEQARFIUSUT	
Nunaannarmi immikkoortut killeqarfilersukkat assigiinngitsuupput, inatsisit atuuttut naapertorlugit malinneqartussanik, immikkut ittunik killilersuiffineqartut. Attaveqaatinut radiokkullu aallakaatitsinermut atortulersuutit qulakkeerniarlugit, nunaannarmi radius 1 kilometerimi illuliuunnginnermi atortulersuutinillu pilersitsinnginnermi, telep atortulersuutaanit, imaluunniit 150 meter aamma qatsissuseq -25 meterimik ungasitsigisumi, Tele Greenland A/S-imit (telemut oqartussaasunit) immikkut ittunik akuersissuteqarfigineqarnissamik qinnuteqaateqartoqassaaq. Aamma taamaappoq, pilersitsinerup kingunerisaanik	Nunaannarmi immikkoortut killeqarfilersukkat assigiinngitsuupput, inatsisit atuuttut naapertorlugit malinneqartussanik, immikkut ittunik killilersuiffineqartut. Attaveqaatinut radiokkullu aallakaatitsinermut atortulersuutit qulakkeerniarlugit, nunaannarmi radius 1 kilometerimi illuliuunnginnermi atortulersuutinillu pilersitsinnginnermi, telep atortulersuutaanit, imaluunniit 150 meter aamma qatsissuseq -25 meterimik ungasitsigisumi, Tele Greenland A/S-imit (telemut oqartussaasunit) immikkut ittunik akuersissuteqarfigineqarnissamik qinnuteqaateqartoqassaaq. Aamma taamaappoq, pilersitsinerup kingunerisaanik telemut

telemut attaveqaatitigut sunniuteqarnissaa nalilikannerneqarpat. (Kommunimut pilersaarut2028) Nuummi mittarfiup ingerlanneqarnissaanut atatillugu killeqarfiit piumasqaateqarfiusut allanngortinneqassappata, nunaminertamik atuinerit nutaat tamarmik killilersuutinik atuuttunik malinnissapput. Sumiiffinni aatsitassarsiornissamut akuersissuteqarfigineqareersuni (matumani misissuinissamut, piiaanissamut imaluunniit kisermaassillutik annikinnerusumik aatsitassarsiornissamut pisinnaatitaaffeqarnermut) sumiiffik akuersissuteqarfigineqareersimatillugu illuaraliornissamut nunaminertanik atugassiisoqarsinnaanngilaq	attaveqaatitigut sunniuteqarnissaa nalilikannerneqarpat. (Kommuneqarfik Sermersuumut kommunimut pilersaaarut malillugu) Nuummi mittarfiup ingerlanneqarnissaanut atatillugu killeqarfiit piumasqaateqarfiusut allanngortinneqassappata, nunaminertamik atuinerit nutaat tamarmik killilersuutinik atuuttunik malinnissapput. Sumiiffinni aatsitassarsiornissamut akuersissuteqarfigineqareersuni (matumani misissuinissamut, piiaanissamut imaluunniit kisermaassillutik annikinnerusumik aatsitassarsiornissamut pisinnaatitaaffeqarnermut) sumiiffik akuersissuteqarfigineqareersimatillugu illuaraliornissamut nunaminertanik atugassiisoqarsinnaanngilaq
7. AQQUSINERTIGUT ANGALLANNEQ TEKNIKKIKKULLU PILERSUUTIT	
EQQA AVIIT Eqqakkat manngertut piginnittup nammineq nassassavai, illoqarfimmilu ikualaavimmi ikualatassanngorlugit inaalissavai. Illuaraqarfinni eqqakkanik igitsinermi malittarisassat atuuttut malinneqassapput. Takornariaqarneq imaluunniit inuussutissarsiut siunertaralugu nunaannarmik atuinermi isumatusaartumik ingammillu eqqagassat eqqarsaatigalugit pisussaaffiuvoq tamakkua peernissaat, najugaqartunut allanut tamaani angalaartunulluunniit ajoqutaannginnissaat siunertaralugu. ANARTARFILERINEQ Anartarfinnut spandit atorneqassapput, taakkulu imaat nunamut assaanneqassapput imaluunniit toqqaannartumik imaanut iginneqassallutik allanut avatangiisinulluunniit akornusersuutaassanngillat. Illut pioreersut, kuutsittagaanngitsunik anartarfillit, piginnittumit imaarneqarneranni najugalinnut allanut avatangiisinullu akornutaassanngillat. Lejrskolertarfiit imaluunniit najugaqarfiit	EQQA AVIIT Eqqakkat manngertut piginnittut nammineq nassassavai, illoqarfimmilu ikualaavimmi ikualatassanngorlugit inaalissavai. Illuaraqarfinni eqqakkanik igitsinermi malittarisassat atuuttut malinneqassapput. Takornariaqarneq imaluunniit inuussutissarsiut siunertaralugu nunaannarmik atuinermi isumatusaartumik ingammillu eqqagassat eqqarsaatigalugit pisussaaffiuvoq tamakkua peernissaat, najugaqartunut allanut tamaani angalaartunulluunniit ajoqutaannginnissaat siunertaralugu. ANARTARFILERINEQ Anartarfinnut spandit atorneqassapput, taakkulu imaat nunamut assaanneqassapput imaluunniit toqqaannartumik imaanut iginneqassallutik allanut avatangiisinulluunniit akornusersuutaassanngillat. Illut pioreersut, kuutsittagaanngitsunik anartarfillit, piginnittumit imaarneqarneranni najugalinnut allanut avatangiisinullu akornutaassanngillat. Lejrskolertarfiit imaluunniit najugaqarfiit anginerusut anartarfiit imaannik nunamut assaasarpata, tamanna allagartaliinikkut

anginerusut anartarfiit imaannik nunamut assaasarpata, tamanna allagartaliinikkut nalunaarutigineqassaaq imaluunniit ungaluliisoqassaaq. Anartarfinni imaartakkani puussiarsuit atorneqartillugit, imarisaat immamut imaarneqartassapput imaluunniit nunamut matoorullugit inunnut allanut kiisalu avatangiisinut ajoqutaanngitsumik peerneqassallutik. Puussiarsuit imaqanngitsut piginnittunit isumagineqassapput illoqarfimmi ikuallaavimmi ikuallatassanngorlugit inissinneqassapput. Illuaraatillit anartarfinnik kværntoiletinik (kuutsittakkanik) peqalerniarunik, imikumik maqitsisarniarunik imaluunniit anartarfeqarnermut tunngasunik atortulersuutinik allanik peqalerniarunik, Kommuneqarfik Sermersuumut immikkut akuersissummik pissarsiniartoqassaaq. Taamaassaaq nunatami pineqartumi avatangiisinik artukkiisoqarnissaa pinaveersaarniarlugu. PILERSUINEQ Seqernup qinngorneranik tigooraassutit nukissiuutillu allat atornissaat kaammattuutigineqarpoq. Generatorinik atuinermi eqqaamiut sapinngisamik akornusersorneqassanngillat. ANGALLANNEQ Nunaannarmi soorlu ATV-nut assigisaannulluunniit inuussutissarsiutilinnut aqqutiliornissamik qinnuteqaateqartoqarsinnaavoq. Nunaannarmi soorlu ATV-nut assigisaannulluunniit inuussutissarsiutilinnut aqqutiliornissamik qinnuteqaateqartoqarsinnaavoq, aqquserngup pingaarnertut siunertaa takornialerinerimut tunngassuteqarpat. Aqqutiliassatut qinnuteqaatigineqartut tamarmik oqartussanut tamatumunnga akisussaafeqarfilinnut tusarniaassutigineqartassapput, massakkuugallartorlu taanna Ilisimatusarnermut	nalunaarutigineqassaaq imaluunniit ungaluliisoqassaaq. Anartarfinni imaartakkani puussiarsuit atorneqartillugit, imarisaat immamut imaarneqartassapput imaluunniit nunamut matoorullugit inunnut allanut kiisalu avatangiisinut ajoqutaanngitsumik peerneqassallutik. Puussiarsuit imaqanngitsut piginnittunit isumagineqassapput illoqarfimmi ikuallaavimmi ikuallatassanngorlugit inissinneqassapput. Illuaraatillit anartarfinnik kværntoiletinik (kuutsittakkanik) peqalerniarunik, imikumik maqitsisarniarunik imaluunniit anartarfeqarnermut tunngasunik atortulersuutinik allanik peqalerniarunik, Kommuneqarfik Sermersuumut immikkut akuersissummik pissarsiniartoqassaaq. Taamaassaaq nunatami pineqartumi avatangiisinik artukkiisoqarnissaa pinaveersaarniarlugu.
--	--

Avatangiisinullu Naalakkersuisoqarfiuvoq. Pilersaarutip ASN-iliornissamut imaluunniit pinngortitamut sunniutaasussanik nalilersuinissamut pisussaaffeqartitsineranik naliliinissaq tamatuma siunertaraa.	
8. ILLOQARFIMMI NUTARTERINEQ	
Qeqertaq Akilia (Nuuk) aamma Kuussuaq (Nuuk) eqqissisimatitaapput.	

3. AKUERSISSUTEQARNERMUT UPPERNARSAAT

Matumuuna kommunimut pilersaarummut tapiliussaq O10-1 Nunatarsuaq immikkoortoq akuersissuteqarfik -mut siunnersuut maanna Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit akuersissutigineqarpoq ulloq 18/8-22 aamma sapaatip-akunnerini arfineq-pingasuni tusarniaassutigineqassaaq.

Kommuneqarfik Sermersooq ulloq.



Avaaraq Olsen
Borgmesteri



Ole Jakobsen
Kommunaldirektøri

Siunnersuutitut tamanut saqqummiunneqarpoq ulloq

KOMMUNEQARFIK SERMERSOOQ

Sanarfinermut Avatangisinullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq
O10-1
Kommuneplantillæg O10-1

N



ILISARNARATINUT NASSUIAATIT

SIGNATURFORKLARING

 Immikkoortoq / Delområde

 Illuaqqat, illut aasarsiortarfiit /
Hytteområder mv.

ILANNGUSSAQ 1 / BILAG 1

IMMIKKOORTOQ O10 / DELOMRÅDE O10

Aggusti 2022 / August 2022
Uutuut 1:60.000 / Mål 1:60.000
A4



KOMMUNEQARFIK SERMERSOOQ

Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq O10-1
Kommuneplantillæg O10-1



ILISARNARATINUT NASSUIAATIT

SIGNATURFORKLARING

-  Immikkoortoq / Delområde
-  Immikkotoq akuersissuteqarfik/
Koncessionsområde

- 1. 19.778 ha
- 2. 17.158 ha
- 3. 30.018 ha
- 4. 14.391 ha

ILANNGUSSAQ 2 / BILAG 2

IMMIKKOORTOQ O10 / DELOMRÅDE O10

Aggusti 2022 / August 2022
Uutuut 1:20.000 Mål 1:20.000
A4